

Теміртау қаласы бойынша 2022-2023 жылдарға арналған жайылымдарды басқару және оларды пайдалану жөніндегі Жоспарын бекіту туралы

Мерзімі біткен

Қарағанды облысы Теміртау қалалық мәслихатының 2022 жылғы 17 наурыздағы № 21/4 шешімі. Мерзімі өткендіктен қолданыс тоқтатылды

Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы", 2017 жылғы 20 ақпандағы "Жайылымдар туралы" Заңдарына сәйкес, Теміртау қаласының аумағында жайылымдарды тиімді пайдалану және мал шаруашылығы өнімінің өнімділігін арттыру мақсатында Теміртау қалалық мәслихаты ШЕШТІ:

1. Қоса беріліп отырған Теміртау қаласы бойынша 2022-2023 жылдарға арналған жайылымдарды басқару және оларды пайдалану жөніндегі Жоспары бекітілсін.
2. Осы шешім алғаш рет ресми жарияланғаннан кейін күнтізбелік он күн өткен соң қалданысқа енгізіледі.

Қалалық мәслихат хатшысы

А. Ломакин

Теміртау қалалық мәслихатының
2022 жылғы "17" наурыздың № 21/4
шешімімен бекітілген

Теміртау қаласы бойынша 2022 - 2023 жылдарға арналған жайылымдарды басқару және оларды пайдалану жөніндегі Жоспары

1 тарау. Кіріспе

1. Осы Теміртау қаласы бойынша 2022-2023 жылдарға арналған жайылымдарды басқару және оларды пайдалану жөніндегі Жоспар Қазақстан Республикасының 2017 жылғы 20 ақпандағы "Жайылымдар туралы" Заңына сәйкес жайылымдарды ұтымды пайдалану, жем-шөпке қажеттілікті тұрақты қамтамасыз ету және жайылымдардың тозу процестерін болдырмау мақсатында қабылданды.

2. Жоспарды әзірлеу үшін келесі ақпарат пайдаланылды:

"Азаматтарға арналған Үкімет" Мемлекеттік корпорациясы" коммерциялық емес акционерлік қоғамының Қарағанды облысы бойынша филиалы - жер кадастры және жылжымайтын мүлікті техникалық тексеру департаментінен алынған Қарағанды облысының Теміртау қаласының жерлерін геоботаникалық зерттеп-қарау жөніндегі есеп;

Қарағанды облысы ветеринария басқармасының "Қарағанды қалалық ветеринария станциясы" шаруашылық жүргізу құқығындағы коммуналдық мемлекеттік

кәсіпорынының Теміртау қаласындағы филиалы берген ветеринариялық-санитариялық объектілер туралы мәліметтер;

Қарағанды облысы ветеринария басқармасының "Қарағанды қалалық ветеринария станциясы" шаруашылық жүргізу құқығындағы коммуналдық мемлекеттік кәсіпорынының Теміртау қаласындағы филиалы берген, ауыл шаруашылығы жануарлары мал басының саны туралы деректер;

Қарағанды облысы ветеринария басқармасының "Қарағанды қалалық ветеринария станциясы" шаруашылық жүргізу құқығындағы коммуналдық мемлекеттік кәсіпорынының Теміртау қаласындағы филиалы берген үйірлердің, отарлардың, табындардың саны туралы деректер;

мемлекеттік органдар, жеке және (немесе) заңды тұлғалар берген өзге де деректер.

3. Теміртау қаласының индустриалдық бағытын ескере отырып, ауыл шаруашылығы әлеуеті үлкен емес және қаланың қажеттілігін қамтамасыз етуге мүмкіндік бермейді. Мал шаруашылығы мен өсімдік шаруашылығының өнімдері негізінен жеке қосалқы шаруашылықтарда шығарылады.

4. Қаланың әкімшілік аумағында ауыл шаруашылығы алқаптары ретінде пайдалануға жарамды жер көлемі жеткіліксіз, сонымен қатар, өнеркәсіптің қарқынды дамуы халықты жұмыспен қамтамасыз ете отырып, еңбек ресурстарын алаңдатады.

5. Ауыл шаруашылығы мақсатындағы жерді ұтымды пайдалану – жер учаскелерінің меншік иелері мен жер пайдаланушылардың ауыл шаруашылығы өнімін өндіру процесінде топырақтың құнарлылығы мен жердің мелиоративтік жай-күйінің айтарлықтай төмендеуіне жол бермеуді қамтитын жер ресурстарын тиімді пайдалануды қамтамасыз ету, қажетті тиімділік көрсеткіштерге қол жеткізу мақсатында жерді оңтайлы пайдалану.

6. Жайылым пайдаланушылар үшін жайылымдарды тиімді, оларды тоздырмай пайдалану басты міндет болып табылады.

7. Осыған байланысты, 2022-2023 жылдарға жайылымдарды басқару және оларды пайдалану бойынша Жоспары, азықтық қажеттілігін және жайылымдардың тозу процесін алдын алуды қамтамасыз етуге мүмкіндік беретін ауыл шаруашылығы құрылымдары мен тұрғындар үшін жайылым айналымдарының схемалары дайындалды.

2 тарау. Жалпы мәліметтер

8. Теміртау қаласы Қарағанды облысының солтүстік-батыс бөлігінде Қарағанды қаласынан 35 километр қашықтықта Нұра өзенінің сол жақ жағалауында, солтүстік ендіктің 50° және шығыс бойлықтың 73° құрғақ дала аймағында орналасқан.

Қаланың орналасқан аумағы- жалпы еңісі солтүстікке, су қоймасына қарай құйқалы қыраттар болып келеді. Оңтүстік жағынан қала биік төбелермен қоршалған, солтүстікте -су қоймасымен, шығыстан Қарағанды металлургиялық зауытымен шектеледі.

9. 2021 жылдың 1 қарашадағы жағдай бойынша Теміртау қаласы жерлерінің жалпы ауданы 31147 гектарды құрайды; ауыл шаруашылығы мақсатындағы жерлер – 2395 гектар. Бағбандық қоғамдар және серіктестіктердің жалпы аумағы 2169 га құрайды. Шаруа (фермерлік) қожалықтармен пайдаланылатын аумақтар 167 га құрайды, оның ішінде ауыл шаруашылығы алқаптарының жерлері 144 га.

10. Қаланың әкімшілік аумағында үй шаруашылығы саны 185, жылқы, ірі және ұсақ мал саны 2199 бас есептеледі. 1 шаруа қожалығы тіркелген.

11. Малды жартылай қорада ұстайды. Жайылым кезеңі сәуір айының соңы - мамыр айының басында басталып, қазан айының соңы қараша айының басында аяқталады. Қыста малды қорада ұстайды. Қорада ұстау кезеңіне түбегейлі жақсартылған жерлерде табиғи шабындық жем шөптері біртіндеп дайындалады.

3 тарау. Климат

12. Теміртау қаласының аумағы шұғыл континенттік климаты бар құрғақ дала аймағында орналасқан. Қысы суық, жазы ыстық және құрғақ. Төрт климаттық ауданы ерекшеленеді: қоңыржай-салқын, қоңыржай-жылы, ұсақ шоқылы-құрғақ, қалыпты-жылы-құрғақ. Орташа жылдық жауын-шашын мөлшері 332 миллиметрді құрайды. Орташа жылдық ауа ылғалдығы -65%. Желдің орташа жылдық жылдамдығы -3,8 м/с.

13. Ауаның орташа жылдық температурасы (көпжылдық) +2,6°C. Вегетациялық мерзімде орта температурасы +14,9°C құрайды. Ең жылы ай- шілде айы, орташа температурасы 17,8°. Ыстық жазы күн сәулесі мен жылудың молдығымен, атмосфералық жауын-шашынның аздығымен сипатталады.

4 тарау. Жер бедері

14. Теміртау қаласының жайылым аумағы аймақтық топырағы шалғынды-қызыл қоңыр топырақты болып келетін құрғақ дала аймағында орналасқан.

Жалпы алғанда, учаске бедері толқынды жазыққа жапсарлас, кейбір жерлерде шамалы төмендеу болады. Топырақтар қоңыр, орта қуатты, шалғынды-қоңыр болып келеді, қоңыр-сортаң топырақтар сирек кездеседі.

15. Қала аумағын жер бедерінің келесі түрлеріне бөлуге болады:

- 1) шамалы белесті жазықтар;
- 2) төмендеу.

5 тарау. Өсімдік

16. Теміртау қаласының жерлер аумағы өсімдік жамылғысының сипаттамасы бойынша құрғақ дала аймағына жатады. Ландшафттық өсімдіктері-бетегелі, Лессинг селеуі, Лерховск бұталы жусан.

Аумақтың табиғи өсімдіктері біршама біркелкі және негізінен даланың дәнді шөптерімен, аласа таулы аймақтар мен жазықтықтың кей жерлерінде түрлі шөптермен ұсынылған.

17. Мал жаюға жарамды жайылым өсімдіктерін дамыту үшін жағдай жеткілікті. №1 және №3 учаскелерінің қасында Самарканд су қоймасының сулары орналасқан. Бұл учаскелер атмосфералық ылғалданумен қатар, сондай-ақ жер асты суымен ылғалданады.

Осы учаскелердегі өсімдік әр түрлі флоралық құраммен ерекшеленеді. №2 және №4 учаскелер кей жерлерде төмендеу, шамалы белесті жазықта орналасқан. Учаскелердегі топырақтар негізінде қара – қоңыр болып келеді, сиректеу кездесетін төменде орналасқан шалғындық-қоңыр топырақтар.

18. Шабындықтарда келесі түрлер басым болып келеді: Лерх жусаны, сұлыбас, қылтан селеу, Лессинг селеуі, қалқан селеу, сүйелденген алабота, бетеге, қоңырбас және басқа түрлері.

6 тарау. Гидрография, гидрология және сулану

19. Қаланың халқы мен өнеркәсіптік объектілерін сумен қамтамасыз ету мақсатында ірі Ертіс-Қарағанды су каналы, Самарканд жасанды су қоймасы салынған.

20. Қаланың әкімшілік аумағындағы жерасты сулары жергілікті жердің бәрінде бар да, жарылған болып келеді. Олардың нәр алатын көзі атмосфералық жауындар, сондай-ақ еріген мұздықтар және қар сулары.

21. Жерасты суларының химиялық құрамдары тұзсыз, жұмсақ және күрделі болып келеді. Қаланың барлық аумағына қатысты екі түрлі түрі сипатты: гидрогеологиялық – өзен алқаптарында және еңісі – басқа бөлігінде. Жерасты суларының бағыты биіктіктің еңістігіне байланысты байқалады. Тегіс жерлердегі жерасты сулары жылдамдығын азайтып және жер биіктігіне жақын келеді.

22. Негізгі ауыл шаруашылықты сумен жабдықтау жер беті суларымен жабдықтайды, ал ауыз сумен жабдықтау Ертіс-Қарағанды каналының есебінен ұйымдастырылған.

23. Су көздері санының жеткіліктілігіне байланысты жайылым жерлерді толық қамтамасыз етеді.

7 тарау. Геоботаника

24. Ауылшаруашылық алқаптарын геоботаникалық зерттеуге сәйкес қала бойынша жайылымдар күлгін-қызғылт және шалғынды-қоңыр саздақ топырақтарымен сипатталады.

25. Теміртау қаласының әкімшілік аумағы құрғақ дала зонасында орналасқан және Орталық Қазақстан аймағына жатады.

26. Алуан түрлі жер бедері және осының салдарынан түсетін жауын-шашынның әркелкі бөлінуі, сондай-ақ топырақ құрайтын жыныстардың зор алуан түрлілігі топырақтың барынша әртүрлі болуын негіздейді.

27. Теміртау қаласының аумағында кездесетін топырақтың жүйелі тізімі 1 қосымшаға сәйкес көрсетіледі.

8 тарау. Топырақ

28. Ауыл шаруашылық жерлердегі топырақтардың ең көп тараған түрі күңгірт-күрең топырақтар, олардың түрлері гумус қабатының қаттылығына қарай, гумустың құрамына қарай, қоректік элементтерінің құрамына қарай (азот, фосфор, калий), сортаңдық процестерінің даму деңгейіне қарай, химизм бойынша әртүрлі тұздардың жату тереңдігіне қарай, карбонаттар мен гипстердің саны мен жату тереңдігіне қарай, механикалық құрамына қарай, қаңқалық және тастылық дәрежесіне қарай ажыратылады.

29. Маңайдағы ылди жерлерден су ағуға немесе топырақ суларының жақын жерлерде жатуына себеп болатындай жоғары ылғалдылық жағдайларында терең емес депрессиялар мен өзендердің маңындағы ояңдарда астарында әртүрлі сортаңды және тұзды деңгейдегі гидроморфты немесе жартылай гидроморфты топырақтар қалыптасатын шалғынды дәнді бозды-бедегелі өсімдіктер өседі. Бұлар шалғынды қара-қоңыр, шалғынды және шалғынды - сазды топырақтар. Аталмыш топырақтардың ашық - қара түсті гумус қабаттары болады. Гумустың құрамы автоморфты күңгірт - күрең топырақтарда басымдырақ болады. Бұл топырақтар шалғынды немесе шалғынды күңгірт - күрең сортаң жерлерде, ал кейде шалғынды сораң немесе сораң жерлерде кездеседі.

9 тарау. Жер қорының жағдайы және пайдалану

1. Параграф. Жер қорын жер санаттары бойынша бөлу

30. 2021 жылғы 1 қарашаға жерді есепке алу мәліметтері бойынша қалаға бекітілген алаңы 31147 га құрайды. Нысаналы мақсатына қарай бүкіл жер қоры 2 қосымшаға сәйкес санаттар бойынша бөлінеді.

31. Кестеге қарағанда қаланың басым бөлігі 7,7% ауыл шаруашылығы мақсатындағы жерлерді құрайды, ал елді мекен жерлері қала аумағының 33,9% алып жатыр, орман қоры жерлерінің үлесіне 17,4% келеді, қала аумағының су қоры жерлері 29%.

32. Ауыл шаруашылығында пайдалану жерлері 2395 гектарды құрайды. Барлық ауыл шаруашылығында пайдалану жерлері дерлік жеке меншікте және жеке тұлғалар мен мемлекеттік емес заңды тұлғалардың уақытша өтеулі ұзақ мерзімдік жер пайдалануында тұр.

33. Ауыл шаруашылығында пайдалану жерлерінен шаруа қожалығын жүргізу үшін – 7,7% (144 гектар) және бақ шаруашылығын жүргізу үшін және саяжай құрылысының жерлері 90% (2169 гектар) құрайды.

34. Орман қорының жерлері 5111 гектар орман шаруашылықтарына қызмет көрсетуге арналған.

35. Су қорының жерлері 8976 гектар ауданды құрайды. Су қорын Самарканд су қоймасы техникалық қажеттіліктер, жерлерді суару үшін пайдаланылады.

36. Ауыл шаруашылығына жарамды дерлік барлық жерлер жер пайдаланушыларға бекітілген.

2. Параграф. Елді мекендердің аумақтарын пайдалану

37. Елді мекендер жерлерінің жалпы ауданы 34591 гектарды құрайды, оның ішінде ауыл шаруашылығына пайдаланылатын жерлер - 2395 гектар, барлық ауыл шаруашылығы алқаптары - 1688 га, орман қорына кірмейтін ағаш-бұталы екпелер- 5 га, су асты барлығы-21 га (оның ішінде өзендер мен жылғалар астындағы- 15 га, жасанды су айдындары- 6 га), арналар және коллекторлардың астындағы- 14 га, алаңдар, жолдар, көшелер астындағы жерлер- 167 га, құрылыстар астындағы- 58 га және басқа да алқаптар 436 гектарды құрайды.

38. Жайылымдарға қажеттілікті есептеу Қазақстан Республикасы Ауыл шаруашылығы министрінің 2015 жылғы 14 сәуірдегі №3-3/332 "Жайылымдардың жалпы алаңына түсетін жүктеменің шекті рұқсат етілетін нормасын бекіту туралы" бұйрығына (Қазақстан Республикасының Әділет министрлігінде 2015 жылы 15 мамырдағы №11064 тіркелді) сәйкес, геоботаникалық зерттеулер материалдары негізінде жүргізіледі.

10 тарау. Жайылымдарды басқару және оларды қолдану бойынша жоспар

39. Жайылымдарды басқару және оларды пайдалану жөніндегі жоспарға:

Теміртау қаласының аумағында кездесетін топырақтың жүйелі тізімі 1 қосымшаға сәйкес ұсынылды;

жер қорының жер санаттары кестесі 2 қосымшаға сәйкес ұсынылды;

құқық белгілейтін құжаттар негізінде жер санаттары, жер учаскелерінің меншік иелері және жер пайдаланушылар бөлінісінде әкімшілік-аумақтық бірлік аумағында жайылымдардың орналасу схемасы, жайылымдардың, оның ішінде маусымдық жайылымдардың сыртқы және ішкі шекаралары мен алаңдары, жайылымдық инфрақұрылым объектілері белгіленген картасы, жайылым пайдаланушылардың су көздеріне қол жеткізу схемасы, жайылымы жоқ жеке және (немесе) заңды тұлғалардың

ауыл шаруашылығы жануарларының мал басын орналастыру үшін жайылымдарды қайта бөлу және оны берілетін жайылымдарға ауыстыру схемасы 3 қосымшаға сәйкес ұсынылды;

ауыл шаруашылығы жануарларын жаюдың және айдаудың маусымдық маршруттарын белгілейтін жайылымдарды пайдалану жөніндегі күнтізбелік кестесі 4 қосымшаға сәйкес ұсынылды;

ветеринариялық-санитарлық объектілер туралы ақпарат 5 қосымшаға сәйкес ұсынылды;

ауыл шаруашылығы мал басының саны туралы ақпарат 6 қосымшаға сәйкес ұсынылды;

ауыл шаруашылығы жануарларының түрлері бойынша қалыптастырылған үйірлердің, отарлардың, табындардың саны туралы деректер 7 қосымшаға сәйкес ұсынылды;

Теміртау қаласы бойынша жайылым айналымдарының схемасы 8 қосымшаға сәйкес ұсынылды;

Теміртау қаласының жергілікті жағдайлары мен ерекшеліктеріне қарай жеке ауладағы ауыл шаруашылығы жануарларын жаюға халық мұқтажын қанағаттандыру үшін қажетті жайылымдардың сыртқы және ішкі шекаралары мен алаңдары белгіленген картасы 9 қосымшаға сәйкес ұсынылды.

40. Жоғарыда келтірілген материалдардың негізінде, жайылым жерлерінің жетіспеушілігіне байланысты халықтың аулаларында шаруа қожалықтарында мыңнан астам мал бар, сондықтан малдың тығыздығы осы аймақтың қолданыстағы мөлшерден (норматив) бірнеше есе артық.

41. Сонымен қатар, қала территориясында жайылымдардың аумағы шектелген себепті ауылшаруашылық тауарөндірушілермен бордақылау шаруашылығын дамыту мүмкіндігі үшін бар бизнесті мемлекеттік қолдау құралдары бойынша ақпараттық-түсіндерме жұмыстары жүргізілетін болады.

42. Елді мекендерде ауыл шаруашылығы жерлерін пайдалануда жайылым айналымын сақтау қажет, ол азық түлік базасын жақсартуға жағдай жасайды. Жазғы кезде малды жайылым азығымен қамтамасыз ету үшін сиыр басын және 6 айға дейінгі жас бұзауларды елді мекендерге жақын орналасқан жайылымдарда қалтыру ұсынылады. Алты жастан жоғары және жылқыларды алыс жайылымдарда жаюды ұйымдастыру ұсынылады.

Сол себепті, қолданыстағы ауыл шаруашылығы жерлерін ұтымды пайдалану үшін жайылым пайдаланушыларымен жайылымдарды тиімді, тоздырмай пайдалану керектігі туралы түсіндірме жұмыстары жүргізіледі.

Теміртау қаласы бойынша
2022-2023 жылдарға арналған
жайылымдарды басқару және
оларды пайдалану

жөніндегі Жоспарына
1 қосымша

Республикалық жүйелі тізім бойынша шифр	Топырақтың атауы
	Қара - қоңыр топырақ
	Қара - қоңыр аз дамыған топырақ
	Шалғындық-қоңыр топырақ
	Қоңыр сортаң

Жайылымның басым түрлері:

бетегелі - селеулі - лерхианды жусанды;

бетегелі - лерхианды жусанды;

бұталы жусанды - бетегелі;

бұталы жусанды - әртүрлі шөптер;

лерхианды жусанды - алабота - бетегелі;

алабота - бетегелі;

алабота - шырынды соранды;

айрауықты - елекшөптер;

елекшөптер.

Теміртау қаласы бойынша
2022-2023 жылдарға арналған
жайылымдарды басқару және
оларды пайдалану
жөніндегі Жоспарға
2 қосымша

№	Жерлер санатының атауы	Алаңы (гектар)
1	Ауыл шаруашылығы мақсатындағы жерлер	2395
2	Елді мекендер (қалалар, поселкелер және ауылдық елді мекендер)	34591
2.1	Тұрғын үй аймағының жерлері	829
2.2	Әлеуметтік аймақтың жерлері	318
2.3	Коммерциялық аймақтың жерлері	5981
2.4	Өзге аймақтың жерлері	27463
3	Босалқы жерлер	0

Теміртау қаласы бойынша
2022-2023 жылдарға арналған
жайылымдарды басқару және
оларды пайдалану
жөніндегі Жоспарына
3 қосымша





Құқық белгілейтін құжаттар негізінде жер санаттары, жер учаскелерінің меншік иелері және жер пайдаланушылар бөлінісінде әкімшілік-аумақтық бірлік аумағында жайылымдардың орналасу схемасы, жайылымдардың, оның ішінде маусымдық жайылымдардың сыртқы және ішкі шекаралары мен алаңдары, жайылымдық инфрақұрылым объектілері белгіленген

[illegible]

А-дан Б-ға дейін Гагарин ауылдық округ жерлері
Б-дан В-ға дейін Баймырза ауылдық округ жерлері
В-дан Г-ге дейін Ғ.Мұстафин атындағы ауылдық округ жерлері
Г-ден Д-ға дейін Тұзды ауылдық округ жерлері
Д-дан Е-ге дейін Жаңаөзен ауылдық округ жерлері
Е-ден Ж-ға дейін Қызылқайың ауылдық округ жерлері
Ж-дан З-ға дейін Жаңаөзен ауылдық округ жерлері
З-дан И-ге дейін Қызылқайың ауылдық округ жерлері
И-ден А-ға дейін Самарқант ауылдық округ жерлері

Шартты белгілер

-  I Ауыл шаруашылығы мақсатындағы жерлер
-  Бағбаншылық серіктестерінің жерлері
-  Азаматтардың шаруашылық қожалығын жүргізуге арналған жерлері
-  Мемлекеттік емес заңды тұлғалардың жерлері
-  II Елді мекен жерлері
-  III Өнеркәсіп, көлік, байланыс, ғарыш қызметі мұқтажына арналған, қорғаныс, ұлттық қауіпсіздік пен ауыл шаруашылығы емес өзге де мақсаттардағы жерлер
-  V Орман қорының жерлері
-  Жайылым
-  Суаттар

-  1-2 Су қоймасының маңы ≈ 27 га, 17 шақырым
-  3-4 Қарағанды көшесінің маңында ≈ 47 га
-  5 Вокзалдың маңы ≈ 14 га
-  6-7 Әскери бөлімінің маңы ≈ 124 га

-  Су көлдеріне бағыт
-  Жайылымның сыртқы шекарасы
-  Жайылымның ішкі шекарасы

2022-2023 жылдарға арналған
жайылымдарды басқару және
оларды пайдалану
жөніндегі Жоспарына
4 қосымша

Ауыл шаруашылығы жануарларын жаюдың және айдаудың маусымдық маршруттарын белгілейтін жайылымдарды пайдалану жөніндегі күнтізбелік кестесі

Жылдар	15-ші сәуірден 31-ші мамырға дейін	1-ші маусымнан 31-ші шілдеге дейін	1-ші тамыздан 10-шы қазанға дейін
2022	1 жайылым	2 жайылым	1 жайылым
	3 жайылым	4 жайылым	3 жайылым
	5 жайылым	6 жайылым	5 жайылым
	7 жайылым	8 жайылым	7 жайылым
2023	2 жайылым	1 жайылым	2 жайылым
	4 жайылым	3 жайылым	4 жайылым
	6 жайылым	5 жайылым	6 жайылым

	8 жайылым	7 жайылым	8 жайылым
--	-----------	-----------	-----------

Теміртау қаласы бойынша
2022-2023 жылдарға арналған
жайылымдарды басқару және
оларды пайдалану
жөніндегі Жоспарына
5 қосымша




№	Аймақ	Ветеринарлық станция	Мал бордақылау алаңдары	Ұрықтандыру пункттері	Мал қорымдары
1	Теміртау қаласы	1	0	0	1

Теміртау қаласы бойынша
2022-2023 жылдарға арналған
жайылымдарды басқару және
оларды пайдалану
жөніндегі Жоспарына
6 қосымша

№	Елді мекен	Ірі қара мал	Жылқылар	Ұсақ мал
1	Теміртау қаласы	1180	122	897
2	Барлығы	1180	122	897

Теміртау қаласы бойынша
2022-2023 жылдарға арналған
жайылымдарды басқару және
оларды пайдалану
жөніндегі Жоспарына
7 қосымша


№	Елді мекен	Үйірлер, отарлар, табындардың саны		
		Ірі қара мал	Жылқылар	Ұсақ мал
1	Су қоймасының маңында			
	Аққұдық станциясы	1	1	1
2	Қарағанды көшесі маңында			
	Победа көшесімен Ушинский көшесінен АБВ кварталы арқылы, Кулибина, 9 ықшамауданы Екатеринбург-Алматы тасжолына қарай	1	1	1
3	Теміржол вокзалы маңындағы			
	Чернышевский, Тулебаева, Ынтымақ, Зоводская көшесінен теміржол Вокзалының қазандығына дейін	1	1	1

	Жайылымның сыртқы шекарасы
	Жайылымның ішкі шекарасы
	Жайылым алаңдарының нөмірлері
	Мезгілді жайылым алаңдары
	Кезекті жайылым алаңдары


Теміртау қаласы бойынша
2022–2023 жылдарға арналған
жайылымдарды басқару және
оларды пайдалану
жөніндегі Жоспарына
9 қосымша

Теміртау қаласының жергілікті жағдайлары мен ерекшеліктеріне қарай жеке ауладағы ауыл шаруашылығы жануарларын жаяуға халық мұқтажын қанағаттандыру үшін қажетті жайылымдардың сыртқы және ішкі шекаралары мен алаңдары белгіленген картасы

Су қоймасының маңы ≈ 27 га




Қарағанды көшесінің маңы ≈ 47 га



Воказалдың маңы ≈ 17 га



Әскери бөлімінің маңы ≈ 124 га



 Жайылым айналымдарының қолайлы схемасы

 Суаттар

 Жайылым

 Су көздеріне бағыт

 Жайылымның сыртқы шекарасы

 Жайылымның ішкі шекарасы

